

四部叢刊

漁洋山人精華錄

Z121/070:1 (275)

275

江南大学图书馆



91153868

四部叢刊初編集部

漁洋山人精華錄

燕錫教育學院
圖書館藏

十卷

據商務印書館一九二六年版重印

四部叢刊初編(二七五)

漁洋山人精華錄 清王士禎撰

上海書店印行

上海福州路四二四號

上海浦江印刷廠印刷

1989年3月

(255) 1:1/515

萬曆庚戌之歲偕余舉南宮者關西文太青新城王季
木竟陵鍾伯敬皆雄駿君子掉鞅詞壇太青博而與季
木瞻而肆踔厲風發大放厥詞太青贈季木曰元美吾
兼愛空同爾獨師蓋其宗法如此而伯敬以幽閒隱秀
之致標致詩歸竄易時人之耳目迄於今輟材諷說簞
弄研削莫不援引鍾譚與王李徐袁分茅設蕝而關西
新城之集孤行秦齊間江表之士莫有過而問者三子
之才力伯仲之間耳而身後之名飛沈迴絕殆亦有幸
不幸焉千秋萬歲古人所以深歎於寂寞也季木歿三
十餘年從孫貽上復以詩名鵲起閩人林古度論次其
集推季木為先河謂家學門風淵源有自新城之壇墀

大振於聲銷灰燼之餘而竟陵之光燄燿矣余蓋為之
撫卷太息知文苑之乘除有劫運叅錯其間殆亦可以
觀天咫也嗟乎詩道淪胥浮偽並作其大端有二學古
而贗者影掠滄溟弇山之賸語尺寸比擬此屈步之蟲
尋條失枝者也師心而妄者懲創品彙詩歸之流弊眩
運掉舉此牛羊之眼但見方隅者也之二人者其持論
區以別矣不知古學之繇來而勇於自是輕於侮昔則
亦同歸於狂易而已貽上之詩文繁理富銜華佩實感
時之作惻愴於杜陵緣情之什纏綿於義山其談藝四
言曰典曰遠曰諧曰則沿波討源平原之遺則也截斷
衆流杼山之微言也別裁偽體轉益多師草堂之金丹

大藥也平心易氣耽思旁訊深知古學之繇來而於前
二人者之為皆能淘汰其癥結祓除其嘈囂思深哉小
雅之復作也微斯人其誰與歸貽上以余為孤竹之老
馬過而問道于余余遂趣舉其質言以為叙往余嘗與
太青季木論文東闕下勸其追溯古學毋沿洄於今學
而不知返太青喟然謂季木曰虞山之言是也顧我老
不能用耳今二子墓木已拱聲塵蔑如余八十昏忘值
貽上代興之日向之鏃礪知已用古學勸勉者今得於
身親見之豈不有厚幸哉書之以慶余之遭也虞山蒙
叟錢謙益序

古詩一首贈王貽上

士禎

謙益

風輪持大地擊颺為風謠吹萬肇邃古賡歌暢唐姚
朱絃汜漢魏麗藻沿六朝有唐盛詞賦貞符彙元包
百靈聽驅使萬象窮鏤雕千燈咸一光異曲皆同調
彼哉譏議者穿穴紛科條初盛別中晚畫地成狴牢
妙悟掠影響指注闕釐毫甕天醢雞覆井月癡猿號
化為劣詩魔飛精入府焦窮老蔽蔀屋不得瞻沘寥
正始日以遠詞苑襍芳苗獻吉才雄驚學杜舖醅糟
仲默俊逸人放言訾謝陶考辭竟嘈贊懷響歸浮漂
江河久雍決辱滴亦騰躍么絃取偏張苦調搜啁噍
鳥空而鼠即厥咎為詩詆喪亂亦云撫詩病不可瘳
譬彼膏肓疾傳染非一朝嗚呼杜與韓萬古垂斗杓

北征南山詩泰華爭嵒堯流傳到於今不得免傲朝
况乃唐後人嗤點誰能跳窮子抵尺璧凍人裂復陶
熠燿點須彌可為渠畧標昌黎笑羣兒少陵訶汝曹
嗟我老無力掩耳任呌呌王君起東海七葉光漢貂
騏驎奮蹴踏萬馬喑不驕識字函雅故審樂辨蕭韶
落紙為歌詩絳雲卷青霄自顧骨骼馬創殘卧東郊
敢云老識路昏忘慙招邀河源出星海東流日滔滔
誰蹠巨靈掌一手堙崩濤古學喪根幹流俗沸蟾蜍
偽體不別裁何以親風騷珠林既深深玉河復迢迢
方當剪榛楛未可榮蘭茝瓦釜正雷鳴君其信所操
勿以獨角麟嬖彼萬牛毛伊余久歸佛繙經守僧寮

張觸為此詩狂言放調刁無乃禪病發放筆自抑搔
起挑常明燈懺除坐寒宵

懷柔山乃歎竺像



鮑氏同野刊



方召厚所植虛以冥其迹
納衆沚而洪纖不遺冠羣
言而聚精成浹身著朝衫
頭戴笠孟縣眉山共標格
三百丰來無此客
宛陵梅庚

漁洋山人精華錄總目

門人候官林佶編

卷一

古體詩

卷二

古體詩

卷三

古體詩

卷四

古體詩

卷五

今體詩

卷六

今體詩

卷七

今體詩

卷八

今體詩

卷九

今體詩

卷十

今體詩

漁洋山人精華錄卷一

門人侯官林佶編

古體詩

對酒

對酒歌慨慷自我屬有生共得睹太平皇帝陛下惟樂
康官府治丞相無私人諸諫官殫射姦慝咸有直聲自
中丞刺史良二千石各各有廉名日南交趾皆我郡縣
蠻夷君長以時稽首殿庭屬國具為令文笥生翠來王
京幸太學三老而五更遂賜民爵一級存問長老遣都
吏循行大酺十日除宮刑美人曼壽百室豐盈

慕容垂歌

三解

慕容初入鄴已有虎狼志前驅丁零部後面鮮卑騎

燕燕尾涎涎飛飛啄塘蒲三原隔五峻緩急當奈何
慕容在何許已度涼馬臺饑鷹掣韉絛一逝不復歸

白紵詞三首

江南煙水多白鳧羣飛啞啞烟際呼美人窈窕為君娛
蜀羅吳縠曳華裾修眉星妍且都明鐙遙映丹脣朱
清歌錯落大小珠折腰流盼意態殊乍進欲退心躊躇
芙蓉灼灼迴雙趺仙珮丁丁鳴六銖燭殘月暗漏滴壺
宛轉為君開繡襦

青春遙夜開華堂綺羅絃管東西廂阿誰公子淮南王
美人家本邯鄲倡合蟬隨馬耀明粧起舞為君陳樂方
翠曾參差烟際翔鸞驚龍婉相頡頏西城北里各檀場

羅裋文中紛御香明眸善睐含流光舞罷雲中孤月涼
若耶溪水勝瀟湘越川佚女春浣香織成白紵冰雪光
上為舞衣下舞裳大秦珍珠明月璫崑山玉撥映金梁
齊琴趙瑟聲鏘鏘七輦妙舞紛相當須臾璧月沉西方
汝南鳴雞啼曉霜今我不樂去日長裴回念此摧中腸
翡幃翠幄陳高堂請君安坐樂未央

擬美女篇

洛濱風日好美女出相望瑤象飾香轂玉軼鳴鏘鏘采
春蘭阪上弭蓋蘅臯傍龍輔節纖步鶯珠結明璫借問
女誰氏少小生平陽大姊入後宮次姊瑯琊王小妹雖
不貴夫婿直東箱出入冠駿驄天子侍中郎檻衣萬錦

費驥裏千金裝容華誠自惜貴盛寧易詳洛水正微波
明瀾一何長川路西南永扁舟不可方寄語盛年子顧
義慎自防

擬白馬篇

駿馬生代北少年出幽并結束各光采拍顧風雲生朝
遊屬玉觀夕宿衛承明身逐孤兒隊名隸羽林兵行行
南山獵意氣何縱橫蒼隼決雲來飛矢逆風鳴大澤鸛
鵠道深雪狐兔驚迴瞻鸛雀門突兀與雲平鞍馬倏來
歸勢若浮烟輕昨夜羽書至貳師出邊庭上馬別妻子
鳴鏑追前旌舊隨冠軍伍復此河源行大漠少行人深
谷多鼙鼓朝飲沙上泉夕戍雲間城左顧疏勒服右睎